

元代子部書

二四

元代史料叢刊編委會

主編

元
代

史料刊
史叢
續編

黃山書社

元代子部書 一二四

元代史料叢刊編委會 主編

元代史料叢刊續編

黃山書社

皇極經世書說下篇卷之三

梁集

豐城後學朱隱老述

觀物外篇

張氏曰內篇先生所著之書也外篇門人所記先生之言也按張氏本分象數理以類相從其卷各三共爲九卷較之舊本爲優今從之但其章句之離合亦間有不逮於舊本者則亦因以舊本爲據云

天數五地數五合而爲十數之全也

張氏曰以奇偶言則一三五七九爲天二四六八

十為地以生成言則一二三四五為天六七八九
十為地故曰數之全也

天以一而變四地以一而變四四者有體也而其
一者無體也是謂有無之極也

天地之初太極而已太極之樞有動有靜得其
一動者分而為天得其一靜者分而為地動者不能
無靜靜者不能無動此則天地各以其一變而為
二也動靜之中自分大小靜動之中亦自分大小
此則天地各以其一變而為四也方其未變則有

一之名無四之體及其既變則有四之體無一之名然則四之數具而一之名泯始者之一將遂不覩其終者之全乎曰天之四具則一退居五地之四具則一退居十十為有之極則五為無之極也言一言四而不要其極則是果無其全矣然而天地之數始必有終故曰有無之極所以見其為全也

天之體數四而用者三不用者一也地之體數四而用者三不用者一也

於一動一靜之中而自分大小則太陽太陰少陽

以陰得以爲天之四體矣於一靜一動之中而自
分大小則大柔太剛少柔少剛得以爲地之四體
矣其體有四則其用亦四可也然而曰用者三不
用者一何也曰天四卦除震不用以其近於坤而
似坤則無所用於天也坤四卦除巽不用以其近
於乾而似乾則無所用於地也此之謂用者三而
其不用者一也

是故無體之一以况自然也不用之一以况道也用
之者三以况天地人也

無體之一超乎四者之外豈非自然之謂乎不用

之一隱於四者之內惟有道者似之用之者三則
秩然三才之序矣抑道即自然自然即道然而有
道有自然者自其原本而言則曰自然自其流行
而言則曰道老子曰人法地地法天天法道法
自然邵子之言其或本諸此歟

體者八變用者六變是以八卦之象不易者四反易
者二以六卦變而成八也

自體者而言則初無反易不反易之分故以八變
而成八卦也自用者而言則不無反易不反易之
分故以六變而成八卦也然則何謂六變而成八

卦曰不易者四乾坤離坎是也反易者二兌反為巽艮反為震是也以不易者四合反易者二此六變而成八卦之謂也

重卦之象不易者八反易者二十八以三十六變而成六十四也

又以重卦之象觀之不易者八謂乾坤離坎之外有頤中孚大小過皆不變者是也反易者二十八謂兌巽艮震之外如復之反為剝夬之反為姤其類二十有八皆可變者是也以不易者八合反易者二十八此三十六卦變而成六十四卦之謂也

故爻止于六卦盡于八策窮于三十六而重卦極于六十四也卦成于八重於六十四爻成于六策窮于三十六而重於三百八十四也

自復至乾是爲陽爻之止于六自始至坤是爲陰爻之止于六自震巽而起至坎艮而止是爲卦氣之盡于八自乾坎而起至坤兌而止是爲卦位之盡于八以六爻而迭主乎十二月斯足以成一歲之功焉以八卦而分主乎十二月亦足以成一歲之功焉策數四二十四其最少者也三十六其最多者也其次少則二十八其次多則三十二以三

十二合二十八其數六十以三十六合二十四其數亦六十以卦之六十當歲之一則一卦六日六十卦適當三百六十日矣尚餘四卦二十四爻其當於二酉氣者乎雖然此用數非體數也若以體數言之則卦成于八自乾一以至坤八者是也重於六十四則又各自夫乾一以至於坤八者是也爻成于六自下卦之三以至上卦之三是也策窮于三十六既已言於重卦之上矣而又言於重爻之上何也言卦則十其三十六而有餘虛其一四於卦數之內所以成其為六十卦之用歟言爻則十

一其三十六而不足虛其二六於爻數之外所以
成其爲三百八十四爻之體歟是故於重卦則既
言重必言其數之極於重爻則但言重不言其數
之極夫固有分矣抑三百六十者用數也而以當
於每歲之常數是用也而有體焉三百八十四者
體數也而以當於間歲之閏數是體也而有用焉
體無非用用無非體此易之所以爲易歟

天有四時一時四月一月四十日四四十六而各去
其是以時三月月二十日也四時體數也三月二十日用數也體
雖具四而其一常不用也故用上于三而極于九也

體數常偶故有四有十二用數常奇故有三有九
天有四時所謂體數是也一時四月一月四十日
斯有以成其為四四十有六矣然而不必皆用則
體數之中自有用數存焉於四月之中而去其一
則其所存者三月而已於四十之中而去其一則
其所存者三十而已三月三十日此其為用數歟
然亦不出乎體數之外而得之矣體雖具四而其
一常不用者無他焉止于三月者極于九十日止
于三時者極于三九二百七十日夫其止於三月
者極于九十日則固然矣止於三時者極于三九

二百七十日有其說歟蓋自夫一日而言之則亥
子丑之三時常不用也。自夫一歲而言之則亥子
丑之三月常不用也是故體數常偶其曰有四則
時數也其曰有十二則月數也用數常奇其曰
有三則月數也其曰有九則日數也

大數不足而小數常盈者何也以其大者不可見而小
者可見也故時止乎四月止乎三而日盈乎十也
是以人之支體有四而指有十也

一年四時則時止于四而已矣未嘗盈于十也一
時三月則月止于三而已矣豈嘗盈于十乎惟是

日之所以為日自甲而起者必至於癸自庚而起者必至於己屈指計之未嘗不盈于十是故徵之於人上體有四其四時之象乎指必有十其十日之象乎

天見乎南而潛乎北極于六而餘于七是以人知其前昧其後而畧其左右也

以周天三百六十五度四分度之一而中分之當有一百八十二度半強在地上復有一百八十二度半強在地下其於南北也亦然但據其在地上者而分之在南者當有九十一度四分度之一而

必強在北者復有九十一度四分度之一而必強
其於地下也亦然然而天之南北不如地之南北
地之南北以越南而燕北耳天之南至北極之所
出處而盡則其在地上者除三十六度之外皆南
也天之北至南極之所入處而盡則其在地下
者除三十六度之外皆北也北之度數非必減於南之度數
然而潛見則殊矣南之度數非必增於北之度數然其潛者
不得兼餘分於其下惟見者乃得兼餘分於其上
兼餘分者溢而爲七則其不得而兼者不過正分
之六而已人稟天地之氣以生能不肖於天地乎

知其前猶天之見於南也時其後猶天之潛於北也
畧其左右猶朝則未明於西而夕則先暝於東也
天體數四而用三地體數四而用三天尅地地尅
天而尅者在地猶晝之餘分在夜也是以天三而地
四天有三辰地有四行也然地之火且見且隱其餘
分之謂邪

天三地三合之則六天三地四并之則七地曷爲
不止於用三以天尅地地尅天而所尅者終歸於
地猶之晝侵夜夜侵晝而所侵者終歸於夜也餘分
之數不足以當正分之數故以地火况之火半見

半隱不若天辰之全不見若其如天辰之全不見則地亦止於用三矣

乾七子兌六子離五子震四子巽三子坎二子艮一子坤全陰故無子乾七子坤六子兌五子艮四子離三子坎二子震一子巽陰剛故無子

先天方圖乾卦自履而上縱而數之以至於否其子凡七兌卦自革而上縱而數之以至於萃其子凡六離卦自噬嗑而上縱而數之以至於晉其子凡五震卦自恒而上縱而數之以至於豫其子凡四巽之子自渙而觀者凡三坎之子自蹇而比者